



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

III. Vtrùm tribuat Confessio ipsem salutis.

urn:nbn:de:hbz:466:1-30362

Caput V. De Effectibus et Utilitate

Quaestio II. Liberatne Confessio aliquo modo à poena?

Responsio. Confessio simul cum Absolutione habet vim liberandi à poena dupliciter:

Vno modo, ex ipsa vi Absolutionis, & sic quidem liberat à poena aeterna, sicut etiam à culpa; manet tamen adhuc obligatus ad poenam temporalem; eò quòd inter illius poenae magnitudinem, nostrarumq; virium imbecillitatē vix vlla sit proportio. Veruntamen virtute clauium ita minuitur, vt etiā in hac vita pro ea plenè satisfacere valeamus.

Alio modo, Confessio diminuit poenam propter annexam erubescenciam. Vnde fit, vt quòd sepius quis confiteatur, eò minorē tolerabilioremq; sibi reddat poenam.

Quaestio III. Aperitne Confessio Paradisum?

Responsio. A Paradysi introitu prohibetur quis, per culpā, & reatū poenae: & quia huiusmodi impedimenta Cōfessio amouet; vt ex dictis patet, ideò dicitur Paradisum aperire.

Quaestio IIII. Tribuítne Confessio spem salutis?

Responsio. S pes remissionis peccatorum nō est nobis, nisi per Christum, & quia homo per Cōfessionē se subiicit clauibus Ecclesiae, ex passione Christi virtutē habentibus, ideò dicitur quòd Confessio spem salutis tribuit.

Preterea cūm per Confessionem peccator plurimas consequatur virtutes, & hæc spem salutis

salutis tribuant: non potest non Confessio iure optimo dici spem salutis ministrare.

Extenditne Absolutio Sacramentalis se ita ad peccata oblita, ut virtute eius homo æquè ab oblitis ac à confessis absoluat?

Quæstio
V.

VIRTUTE Absolutionis omninò etiã *Respõsio.* peccata oblita remittuntur, idque probatur multipliciter.

PRIMO, quia vnum mortale sine alio remitti non potest: Sed vel omnia simul remittuntur, vel nullum, ac proinde si Absolutio Sacramentalis remittit peccata confessã, oportet etiam & oblita remittat.

SËCVNDO, si Sacerdos non remittit, nisi confessã, quandoquidem Christus dixit: *Ioan. 20.* Peccata, quæ vos remisistis, erunt remissã, quæ autem non remisistis, non erunt remissã; sequeretur quòd **DEVS** quædam peccata remitteret, & quædam non; cùm tamen impium sit, dimidiam à **DEO** sperare veniam; & certum sit, **DEVM**, quem sanat, perfectè sanare.

TERTIO, quia Absolutio Sacramentalis præstat gratiam ex opere operato: Sed gratia illa Sacramentalis equè repugnat peccatis oblitis in Confessione, sicut & confessis. Igitur omnia tam confessã, quàm oblita remittit huiusmodi Absolutio.